

【傅大士】（科註第257頁第3行第49集2012年12月3日）

《佛學大辭典》「善慧」條：（人名）（497—569）東陽烏傷居士，傅翕（音西），字玄風，年十六、娶劉氏，生二子，云普建、普成。

年二十四，遇梵僧嵩頭陀知往因，結菴松山之雙檮（音酬。木材堅碩的樹）樹間，自稱當來解脫善慧大士。苦行七年，宴坐之間，見釋迦、金粟（音速）、定光三佛。

翕有神異，梁武帝敬重之。嘗創輪藏，令轉之者得大利。後世作輪藏者安父子三人之像。陳大建元年四月二十四日示寂。大士之心要，全為天台之一心三觀。荊溪之止觀義例曰：「東陽大士，位居等覺，尚以三觀四運而為心要，故獨自詩曰：獨自精，其實離聲名。三觀一心融萬品，荊棘叢林何處生？獨自作，問吾心中何所著？推檢四運并無生，千端萬累何能縛？〔中略〕故知一家教門遠稟佛經。復與大士宛如符契。」見佛祖統紀二十三，常云傅大士。（四運：具云四運心。凡人之起念，有四位：一未念，例如人之念松，雖未起松念，然後必起之之位也。二欲念，將起松念之位也。三正念，正起松念之位也。四念已，念松既已之位也。此四位名四運者，以未念，欲念，正念，念已，念念相續而運行故也。就此四運心之一而推檢四句，有泯亡一切起念之觀法，是曰四性推檢。一曰四性觀。）